

乱



清刻龍藏佛説法變相圖

善念唯長貪瞋嫉妬我慢設有像似行善法 害頻起種種厄難怖懼逼繞我諸弟子失其 者但求世間利養名稱以之為主不能專心 如是之時衆生福薄多諸衰慢國土數亂灾 隨汝所問便可說之堅淨信菩薩言如佛先 衣服偏袒右肩合掌白佛言我令於此衆中 門爾時會中有菩薩名堅淨信從座而起整 說若我去世正法滅後像法向盡及入末世 欲有所問諮請世尊願垂聽許佛言善男子 場與無量無邊諸大衆俱演說甚深根聚法 耆闍城山中以神通力示廣博嚴淨無礙道 如是我聞一時婆伽婆一切智人在王舍城 占察善惡業報經 出要法爾時衆生親世灾亂心常怯弱憂 根周 聚卷 景

獲不退佛告堅淨信言善哉善哉快問

斯事

地

深適我意今此衆中有菩薩摩訶薩名曰

令雜疑網除諸障礙信得增長隨於何乗速

疑惑不能堅心專求善法如是衆生可愍可

故退其善心於世間出世間因果法中數起

善根者請問如來設何方便開化示導令生

信心得除衰惱以彼衆生遭值惡時多障礙

經久得道獲信禪定通業等一切全無我今

為此未來惡世像法向盡及末法中有微

遂

者亦復甚勘所有修學世間禪定發諸通業

自知宿命者次轉無有如是於後入末法中

得道者極少乃至漸漸於三乗中信心成就

此等衆多障礙因縁故於佛法中鈍根少信

畏己身及諸親屬不得衣食充養驅命以

如

救世尊大慈一切種智願與方便而曉喻之

七・四六〇

德殊勝唯除如來無能過者又於此世界所 求能减聚生一切重罪除諸障礙現得安隱 能及以是菩薩本誓願力速滿衆生一切所 有化業雅除過吉觀世音等諸大菩薩皆不 世界成熟衆生是故在斯會中身相端嚴威 滿足但依本願自在力故權巧現化影應十 高下想此善男子發心已來過無量無邊不 聚生應受化業故也彼從十一 劫來 莊嚴此 惡世化益偏厚亦依本願力所熏習故及 方雖復普遊一切刹土常起功業而於五濁 可思議阿僧祇劫久已能度薩婆若海功德 彼地藏菩薩而演說之佛告堅淨信汝莫生 佛言如來世尊無上大智何意不說乃欲令 甉 便開示演說誠汝所願時堅淨信菩薩復 汝應以此事而請問之彼當為汝建 立 白

四四 九

是故我今今彼說之爾時堅淨信菩薩既解 佛意已尋即勘請地藏菩薩摩訶薩言善哉 如是等因縁於此世界眾生渴仰受化得度 能善開導初學發意求大乗者令不怯弱 又是菩薩名為善安慰說者所謂巧演深法

生 修學無常想苦想無我想不淨想成就現前 夷於世間出 後 救 觀真如實際無生無滅等法 蕯 如來今者爲欲令汝說是方便宜當知時哀 愍為說爾時地藏菩薩摩訶薩語堅淨信菩 以何方便而化導之使雜諸障得堅固信 世真士善哉大智開士如我所問惡世衆 惡世之中諸 摩訶薩言善男子諦聽當為汝說若佛滅 勤觀 四聖諦法及十二因縁法 世間因果法未得決定信不能 有比丘比丘尼優婆塞優婆 以不勤觀 亦不勤 是

於

一寸正中令其四面方平自餘向兩頭斜

法 差如是諦占善惡業報號喻自心於所疑事 或疑或悔於一切處心不明了多求多惱衆 則滅業集隨心相現果起不失不壞相應不 是等障難事者當用木輪相法占察善惡宿 事牽纏所作不定思想繞亂廢修道業有如 向 功 世之業現在苦樂吉凶等事緣合故有緣盡 以取決了若佛弟子但當學習如此相法至 之法而返隨逐世間上签: 心歸依所觀之事無不成者不應棄捨如是 如是等人若有種 德 故不能畢竟不作十惡根本過罪於三寳 , 貪著樂習若樂習者深障聖道善男子欲 種種 相者先當刻木如小 境界不能專信於三乗中皆無定 種諸障礙事增長憂慮 種種占相吉凶等 指 許使長短減 薍 願

令十方

切衆

生速

疾皆

得

親

近

供

樂

乃至盡

ーナカ

所有

切

種

種

莊

嚴

供養之

根

本

能

攝

切諸

餘惡法若欲

占

址

輪

相

者

攝

切諸

餘

善法言十惡者

亦為

一切衆

惡

先當學至

心

總

禮

十方

切

諸

佛

因

By

並

願

詑

在

面言十善者則

為一

切衆善

榎

本

能

面

記

次

yス

十惡書對十善令使

相當

亦

各

華等 佛 離 又念十 所 願 後 生 讀 即 妙 方 方一 立願 速疾皆得親近供養發菩提心至 所 法 有香華等當修供養修供養者 誦 諸障礙資生衆具悉皆充足如 願令十方一切衆生速得除滅惡業 應學至心禮我地 JE. 鉩 如法 僧寶體常遍滿無所不在 法 有 同 種 方一 切覺聖因 法性 願 種 應 修 切 音 1 普熏 行及為 種 樂 切 + 學至 供 方一 燈 種 具無時 香 心敬 明 即 切諸 華 切衆 燭 立 藏菩薩摩訶 他 瓔 禮 火 願願令十方 說 路幢 生 飲 佛 不 次當學至 十 有我全當以十 食 刹 速 オ 土施 播質蓋 疾皆得 衣 願令以此 服 是 切 憶念 薩 作佛 目 禮 法 一心敬 不 因 具湯 諸 切 受 退 ٤ 瘷 重 Rp 轸 切 隨 釈 轉 持 因

者輪

相 能

示三世中受報差別其

輪

有

六

若

集業处近

핡

作

强弱大小差别

其輪

有

三

Ξ

依欲

此

+

輪書記

十善之名一善

主

在

輪

於

觀

宿

世作善惡業差别者當

刻

木

爲

十

輪

差别何等為

三一者

輪

相

能

示宿世

所

作

蕃

正

道

到

安隱

處是

故

名輪

其

輪

相

者

有

三

種

漸

去

~

仰

手

傍

擲

令使

易轉因

是義

故

名

輸

又

依

باغر

相

能

破

壞

衆

生邪

見

疑

網

轉

向

惡業種差别

其輪有十二者輪

相

能

示

宿

世

五

藏

能

乱

嚴 者 世界中有修供養者我今隨喜若 具 切刹土 願得開 憶 供養之具共一切衆生等持奉獻 想選 於一一佛法僧 導令修供養又願 擬普共衆生奉 所各以一切種莊 獻供養常念一 我身 速能 未修供養 供 養 遍 至

念已而作是言地藏菩薩摩訶薩大慈大 地 摩訶薩以當稱名若 畢竟圓 巴漸得成就六波羅蜜四無量心 切 法本來寂靜無生無滅一味平等雜 佛事供養一切所有法藏及說法處 切諸佛法身色身舍利形像浮 藏菩薩摩訶薩如是稱名滿足至千經 賢聖僧衆願共一 願護念我及一切衆生速除諸障增長淨 滿又應别 復 切衆生修行如是供養 係心供養我地藏 念一心告言南 圖 深知 朝 念清淨 供養 塔 菩薩 七刀 悲 切

> 木輪於淨物上五信令今所觀稱完 業悉應一一諦觀思驗或純具十善或純具 欲觀他皆亦如是應知占其輪相者隨 十惡或善惡交雜或純善不具或純惡 而傍擲之如是欲自觀 實相應 作 此 語 已然後 法若 手 所 不 現 具

果是 是故不現又純善不具純惡不具者此二 現者此人已證無漏智心專求出離 業種與今世果報 如是業因種類不同習氣果報各各別異 受世間果報諸 不至心名虚謬也若占輪相其善惡業俱 惱業習得相當者名為相應若不相當者 佛世尊餘處 人善惡之業 故不現若當水世佛諸弟子已占善惡 所 廣託應當憶念思惟觀察所 有不 有漏業展轉微弱 所經苦樂吉山等事及 現者皆是微弱 ?更不增長 不復 種 不 煩 現 如

令使細淺當知善業莊嚴循如畫飾惡業衰

傍刻如畫令其麤深次第四面亦作傍

業猛 或雖 惡來久所作增上餘殃亦厚其刻 近始習基鈍 害猶如損刻其畫長大者顯示積善來久行 示退善來近始習惡法所作之業未至增上 口者擲 占初轉相者但知宿世所造之業善惡差别 故須占第二輪相若占第二輪相者當依初 而不能知積習义近所作之業强弱大小是 善惡依所屬輪别鄉占之復次若占 此三輪之相一擲通占應當隨業主念一 輪相中所現之業若屬身者擲 謂無至心不得相應名虚謬也又復不 中唯得身之善於此第二輪相 一利所作 起重惡已曾改 口 輪 增上其畫細短者顯示積善來 所作微薄其刻麤深者顯 相若屬意者擲 以悔此謂 小惡善男子若 意 身輪 中得身惡者 輪 細沒者 相不得 相若屬 初 示習

業故今獲此報我今乃可轉更進修不應休

當思念但由我宿世造如是惡業故今獲

此

報我全應當悔彼惡業專修對治及修餘善

無得止住懈怠放逸轉更增集種種苦聚是

木為三輪以身口意各主一輪書字記之又

以

於輪正中一面書一畫令廳長使徹畔次第

二面書一

畫令細短使不至畔次

第三面

作

昔集業久近所作强弱大小差别者當復刻

名占察初

輪相法善男子若欲占察過去往

不稱意時應當甘受無令疑悔退修善業即

止若遭眾厄種種衰惱不吉之事繞亂憂怖

果

報得相應者於五欲報具得稱意時

勿當

自

以起

放逸

即應思念由我宿世如是善

四 五三

槴

能

衆生等欲求度脫生老病死始學發心不相應義亦如是應知善男子若未來 定智慧應當先修懺悔之法所以者 業無造殺 多少及以輕重若惡業多厚者不得即學禪 禪定無相智慧者應當先觀宿世所作惡業 中得身大惡者謂名 名 者 相應義亦如是應知善男子若未來世諸 主觀不 不 相應復次 占 初 殺業 罪但意主 輸 相 若觀現在從生以來不樂 中得 而 於第二輪 殺業而於此第二輪 不相應自餘口意中 不 殺 業及 相 中得 得 偷 何此 身惡者 盗 修習 業 殺 相

宿習惡心猛 故當先修鐵 禪定智慧者 亂或外邪 禁以 犯 重 禁故若 所惱或納 利故於今現在必多造 **俩法若戒根清淨及宿世重** 則多有障 不 受邪 懴 礙 悔 不 能 今其 法 增長 兙 清 獲 惡見 悪毀 淨 或 失而 是心修犯

當住靜 次 身體及洗衣服 惟 1257 願 賢聖然後更别稱名禮我地藏菩薩摩 禮十方一切法藏次當擬心遍禮十方一 佛 佛 內三時稱名一心敬禮過去七佛及五 安經法懸網構蓋求集香華以修供養操 方諸大慈尊證 如是禮已應當說所 得 重五逆 如是罪 次隨 我及一切衆生速 微 復總禮十方三世所 所有色身舍利形像 渖 十方面一一 處 者 颠 性 隨 則 倒 但從虚妄顛倒心 離 カ 誇毀三寶一闡提罪復應思 知護念我 勿令臭穢於畫日分在 諸 所能莊嚴 膧 得除滅無 總歸擬心遍禮 作罪一心仰告惟 善男子欲 有諸佛又 浮圖 今嵐 二室 廟 量 起無有定實 悔 塔一切 内 修 一劫來 當擬 不復 置 儎 佛 悔 更 切諸 此室 佛 S. 十 願 事及 訶 法 切 遍 = 事

如是

| | | | | | | |

勿令解廢若人宿世遠有

明

事者應當

直在

餘靜室中一

心誦念日

E

旋

遠誦念次至夜分時若有燈燭光明

亦應三時

恭敬供

養悔過發願若不能

辧

光

事者

號當減省睡

,發隨喜之願願我及一切聚生畢竟永捨 令十方 縣次 達 已成 Ŋ 當 正 量或 猛 **舜如是衆生等業有厚簿諸根** 基 至或經七七日後而得清淨若過去現在 利意力强者經七日後 暫時遇惡因緣而造惡法罪 經二七日後而得清淨或 即得 經三 清 障輕 利 鈍差别 淨 七日 微 除 其 誻 俱 乃

無

潼

Z,

覺者願常住在

世

轉正法輪

不入浬

復

切菩

薩未成正覺者願

速成

正覺若

永

滅

罪根

次應

·復發動

請之

願

願

而

可

得

者

本 唯

空寂

願

切

衆生

速

欲得 經二 身命想常勤稱念畫夜旋邊減省 有 來諸衆生等能修行戲悔者從 發願樂修供養不懈不廢乃至失命要不 根罪障最重者但當能發勇猛之心 擲之若身口意皆純善者名得清淨 日日於晨 退 增 如 知清淨相 是 百日乃至或經千日而 精 種 種 朝旦以第二輪相具安手中頻 進 於 者 千 從 日 始修行過七日後應當 中必獲清淨善男子若 得清 先過 浮岩極 腄 /去久遠 眠禮 不 如是 顧 鈍 休儎 惜

等同

趣佛

智至涅槃城如是發

迴

向

願已

復

徃

餘靜室端坐一心若稱誦若黙念我之名

眠若幡蓋多者應於道場室中*

之願

願我

所修一切功德資益

切諸衆生

切

功德及

成就者悉皆隨喜次當復發

迎向

嫉

好之心於三世中一

切刹土所

有

修

學

上

重罪者或

經

百

E

而

得

清

净 或

能

能

聞如此諸事者則為虚妄莊感詐偽非善 也若人曾有出世善基攝心猛利者我於爾 汝或夢見菩薩身來為作證或夢見佛形 時隨所應度而 放光而為作證若人未得三業善相但先見 作證手摩其頭歎言善哉汝今清淨我來 香氣身意快然或作善夢夢見佛色身來為 德業有厚薄種種別異是故彼等得清淨時 以來於佛法中各曾習善隨其所修何 一夜中復見光明遍滿其室或聞殊特異好 餘好相或有衆生得三業善相時於 亦不同或有衆生得三業純善時即 說種種深要之法彼人即時於所向乗得 命所經之事所作善惡或復隨 疑怖或示神通種種變化或復今彼自 為現身放大慈光令彼安隱 其所樂 更得 像 證 日 相

得受者亦當如上修懴悔法令其至心得身 等欲求受清淨妙戒而先已作增上重罪不 善處復次未來之世若在家若出家諸衆生 其至誠亦當速脫種種衰惱捨此命已生於 口意善相已即應可受若彼衆生欲習摩訶 願於一切時一切處勤心稱誦我之名號 若 決定信或漸證獲沙門道果復次彼諸衆 迫者亦應恭敬禮拜供養悔所作惡恒常發 次若未來世諸衆生等雖不為求禪定智 出要之道但遭種種教尼貧窮困苦憂惱 所有五蓋展轉輕微堪能修習諸禪智慧 至九十五種外道邪師一切鬼神亦不來亂 速得消滅種 使身口意得清淨相已我亦護念今彼衆生 未能 見我化身轉變說法但當學至 種障礙天魔波旬不來破壞乃 復

持

讀誦

觀察修行若雖出家

而其年

浦

羅

:提木叉出家之戒名為比丘比丘尼

誓而受菩薩律儀三種戒聚則名具

推

求聲聞律

瀐

及菩薩所習摩德勒伽

藏

即

應

自

其未出家者應當刺

髮被

服

法

衣如

Ŀ

獲遊頭

但

清淨僧眾其心疑感不得如法受於禁戒者

能學發無上道心亦今身口意得清淨已

欲求出家及已出家若不能得善好戒師及

如 受戒者求為依止之師請問教戒修行威 即 獮 應親近 者應當先誓願受十根本戒及受沙 沙彌沙彌尼法若不能值如是之人 尼 所 有 供養給侍先舊出家學大乘心具 别 戒既受戒已亦名 沙 彌 沙 难當 彌 彌 尼 沙

衆生戒]

而不

能

得善好戒師廣

解菩薩法藏

切

禁戒所謂攝律儀

成構善法,

戒攝

化

衍道求受菩薩

根

本 重

戒

及

類總

受在

出

戒相

先說

+

根

本重戒次當總舉三

種

戒聚

自誓而受此

亦得戒復次未來世諸聚生等

告十方諸

佛菩薩請為師證

一心立願稱

辯

先

修行

者應當至心於道

場內恭敬供養仰

淨信菩薩摩訶薩問 心不獲善 名 之法及遍學比丘尼一切戒聚其年若滿 修行應勤供養佛法僧實若沙彌尼年已 親 地 說至心者差別 十 八者亦當自誓受毗尼藏中式又摩那六戒 藏菩薩摩訶薩言善男子我所 比丘 時乃可如上總受菩薩三種戒聚然後 近菩薩所修摩德勒伽藏 ŗŁ 丘 相 者設作受想不名得戒 尼若彼衆生 有幾種何等至 地藏菩薩摩訶薩 雖 學懴 讀 心能 誦 託 思惟 悔 檴 爾 至 不 Š 言所 善 觀 騂 能 得 __ 察 至

四 五七

想不亂 善男子若欲占察三世中受報差别者當復者終不能獲清淨善相是名說占第二輪法 懈 中上三 刻 第二至心者能獲善相此第二 ジ_へ 略 九十 次第 退若 二者攝 根之聚皆從 起 不 木為六輪於此六輪以 有 八等數書字記之一數主 顧 以一為本如是 _=_ 種差别 不錯 人修習此懴悔法 心住了了二者勇猛心 十一十二十三十四十五 身命三者深心所謂 意專精 八亂當知如 如來 何等為三一者一心所謂 二一者. 成就勇猛 數相 擮 自 __ ___ 此 乃至 者 性 初 諸數 清 顯 與 相 始 至心復 學習求 三 不得 應至 面 所謂專求 淨心 示 法 **発** 四五 各 十 相 應究 心得 切 Ė 六 下至 實境 十 六 聚 有 面 願 條 生數令 七 此 下 不

者 六者修四梵得成就七者修世禪 退 不 如是所觀三世果報善惡之相有一百八十 此第三輪 於三世中所受果報欲決疑意者應當三非順等想生十八種受若未來世佛諸弟 九 識故於色聲香味觸法中起違想順想非 意等六根以依内六根故對外色聲香味 法等六塵起 境界故有彼無明不了一法 妄境界分别 /四者求 退二者所求果現當證三者求 所 種 而 欲受得妙戒九者所曾受得戒具十者 何等 起 依 卞 想占計合數依數觀之以定善惡 為一百八十九 一實境界以之為本 眼耳鼻舌身意等六識以依 乗得不退五者求神 取著集業因緣生 種一 界謬念思惟現 者求上 一眼耳鼻 所 中乗 得 通得成就 謂 成 依 乗 舌身 擲 子 違

者觀所學是所宜三十六者觀所學非所

習禪定道三十四者觀所學無障礙三十五

カ三十二者應先習觀智道三十三者應先

有所證非正法二十九者有所獲那神持

Ξ

者所能說邪智辯三十一者所玄知非

是錯謬二十七者所見聞非善相二十八者

二十五者有所證為正實二十六者有所學

者觀所作事成就四十八者觀所作事不成 得獲五十一者求壽命得延年五十二者求 四十九者求大富財盈滿五十者求官位當 卷得讀誦四十六者觀所作是魔事四十七 意五十六者求弟子得如意五十七者求父 四者觀學問少所達五十五者求師友得 世仙當得獲五十三者觀學問多所達五十 二者所求果現未得四十三者求出家當得 三十七者觀所學是宿習三十八者觀所 者求妻妾得如意六十者求同 毋得如意五十八者求男女得如意五十九 去四十四者水聞法得教示四十五者求經 所學方便少四十一者觀所學無進 非宿習三十九者觀所學善增長四十者觀 十一者觀所處得和合六十二者所觀人心 伴 得如意六 趣 四四

者所修行不錯謬二十四者所見聞是善相

誦不錯謬二十二者有所誦是錯謬二十三

錯謬二十者所觀義是錯謬二十一者有所

德十八者所觀人無實德十九者所觀義不

十六者隨所聞非正教十七者所觀人有實

求上乘未住信十一者求中乗未住信十二

者求下乘未住信十三者所觀人爲善友十

四者隨所聞是正法十五者所觀人為惡友

七・四六〇

四 五九

龍

惡得離之七十者所愛敬得近之七十一者會六十八者所請喚得來集六十九者所憎人者所思人不復和合得如意六十五者所觀人心歡喜六十種表十八者永無恨得歡喜六十四者求懷惠六十三者求無恨得歡喜六十四者求

得獲八十七者求供具當得獲八十八者求十三者所觀人不和合八十六者求佛事當智七十五者所期人住不來七十六者所觀人得安吉七十七者所觀人不安吉七十二者所觀人已無身七十九者所望見得都說下十二者所求重得見之八十一者求所聞之八十者所求重得見之八十一者求所聞之八十者所就看實八十四者觀所及為不知意八十二者所聞之八十一者亦以十二者所聞之八十一者亦以十二者所聞之八十一者亦以十二者所聞之八十一者亦以為一人。

為魔網 資生得如意八十九者求資生少得獲 有所求久當得九十六者有所求而損失九 得如意九十四者有所求速當得九十五者 者有所求皆當得九十一者有所求皆不得 觀所住不得安一百八者所向處得安快 有障礙一百六者觀所 者求離厄得脫難一百三者求離病 受苦九十九者觀所失求當得一百者觀所 十七者有所求得吉利九十八者有所求 九十二者有所求少得獲九十三者有所求 百九者所向處有尼難一百一十者所向處 失求不得一百一者觀所失自還得一百二 十二者所向處可開化一百一十三者所 百四者觀所去無障礙一百五者觀所去 一百一十一者所向處難開 住 得安止一百七者 化一 八得除愈 百 而

所夢有損害一百三十四者觀所夢精進安

三十二者觀所夢無損害一百三十三者觀

有損害一百三十一者觀怪異精進安一百

十九者觀怪異無損害一百三十者觀怪異

不安一百二十八者閉靜處無諸難一百二

者所住處有障難|百二十七者所依聚眾

所避得度難一百二十四者觀所避不脫難

一百二十五者所住處衆安隱一百二十六

二十二者君修善國還立一百二十三者觀

灾亂滅一百二十一者君行惡國將破一百

十九者君無道國灾亂一百二十者君修德

疾疫一百一十八者君民好國豐樂一

百一

者君民惡饑饉起一百一十七者君民惡多

向處自獲利一百一十四者所遊路無惱害

一百一十五者所遊路有惱害一百一十六

非人一百四十八者觀所患可療治一百四 者觀所患非人惱一百四十七者觀所患合 所難精進脫一百四十四者觀所難命當盡 四十二者觀所難受衰惱一百四十三者觀 速得脫一百四十一者觀所難久得脫 得離一百三十八者觀障亂不得離一百三 者觀障亂速得雜一百三十七者觀障亂 十九者觀障亂一心除一百四十者觀所難 對治一百五十五者所服樂當得力一百五 一百四十五者觀所患大不調一百四十六 所患向醫堪能治|百五十四者觀 五十二者觀所患首當差一百五十三者觀 精進差一百五十一者觀所患久長苦一百 十九者觀所患難療治一百五十者觀所患 百三十五者觀所夢為吉利一百三十六 所療是 白

七・四六〇

四

一百七十六者榜身已生人道一百七十七一百七十六者觀所患得除愈一百五十七者所向百五十九者所患。當盡一百六十一者從地獄道中來所患命當盡一百六十五者從與鬼道中來一百六十一者從此了中來一百六十五者從與鬼道中來一百六十一者從出家中而來一百六十五者從大道中來一百六十五者從大道中來一百六十五者從大道中不不有曾傳譯來一百七十一者曾得聞深之作餓鬼一百七十五者捨身已个時報一百七十五者將身已作餓鬼一百七十五者將身已入地獄一百七十五者將身已作餓鬼一百七十五者捨身已入地獄一百七十五者將身已作餓鬼一百七十五者將身已入地獄一百七十五者將身已作餓鬼一百七十五者捨身已生人道一百七十七者說一百七十五者拾身已作萬來一百七十五者拾身已生人道一百七十七者所向十六者的鬼子。

見佛一百八十六者捨身已住下乗一百八十者捨身已爲人王一百八十五者捨身已尋得出家一百八十二者捨身已属と三百八十四者将身已與深法一百八十一者捨身已尋大道一百十九者捨身已爲人王一百八十五者捨身已爲人王一百八十五者捨身已生

四六三

能

蔽

東京 一個人所受果報事亦同爾若有他人不能自 古而來求請欲使占者應當籌量觀察自心 不負世間內意清淨然後乃可如上歸敬修 不負世間內意清淨然後乃可如上歸敬修 不負世間內意清淨然後乃可如上歸敬修 者設令占察而不相當但為虚謬耳復次若 未來世諸衆生等一切所占不獲言善所求 未來世諸衆生等一切所占不獲言善所求 不得種種憂慮逼惱怖懼時應當書夜常勤 不得種種憂慮逼惱怖懼時應當書 可以不清淨 不得種種憂慮逼惱怖懼時應當書 可以不清淨 不得種種憂慮逼惱怖懼時應當書 可以不清淨 不得種種憂慮逼惱怖懼時應當書 也人不能自

占察善惡業報經卷上

能

占察善惡業報經卷下

以者何一切有心起分别者循如幻化無有 W) 故平等普通無所不至圓滿十方究竟一相 佛心皆同不生不滅無染寂靜真如相故所 無二無別不變不異無增無減以一切象生 言一實境界者謂衆生心體從本以來不生 者應當先知最初所行根本之業其最初所 菩薩摩訶薩言善男子若有衆生欲向大乗 薩 言云何開示求向大乗者進趣方便地藏 不滅自性清淨無障無礙循如虚空難分別 因修信解力增長故速疾得入菩薩種性所 行根本業者所謂依止一實境界以修信解 爾時堅淨信菩薩摩訶隆問地藏菩薩摩訶 一切聲聞辟支佛心一切菩薩心一切諸 沙門 菩 提

自有但依安心分別故有所謂一切境界各是短方圓大小乃至盡於十方虚空一切世界求心形狀無一區分而可得者但以衆生親所而實無有覺知之相以此安心畢竟無明凝暗熏習因緣現安境界令生念著所無明凝暗熏習因緣現安境界令生念著所無明凝暗熏習因緣現安境界令生念著所其此心不能自知妄自謂有起覺知想計我其所而實無有覺知之相以此妄心畢竟無有質所謂識受想行憶念緣慮覺知等法種真實所謂識受想行憶念緣慮覺知等法種

惡乃至妄生無量無邊法想當如是知一切法想謂有謂無謂彼謂此謂是謂非謂好謂了內自無故謂有前外所知境界妄生種種切法不能自有則無別異唯依妄心不知不各不自念爲有知此爲自知彼爲他是故一

有

住

切境界但隨心所緣念念相續

所起與心作相

和合

而

有共生共滅

同

無

1

以義體不

異爲心所攝

故又一切諸法

從為

切諸法依心為本當知一切諸法悉名

來

體性

a

滅

未曾有故

国

如此義是故但說

依境界滅故無明心滅以一切境界從本已

切諸佛於一切境界不生無明故又復不

滅故一切境界滅非依一切境界自不了故

有無明依無明力因故現妄境界亦依無

明

所以者何謂依妄心不了法界一相故說

N

起無先後而此妄心能爲一切境界源主

依

界故說名爲

心又

此妄心與前境界雖

倶

相

法皆從妄想生依妄心爲本然此

安心

相故亦依境界而有所謂緣念覺知

說

境界有無明亦非依境界故生於無

明

以

無障無礙微密難見以過一切處常恒不 所言真者謂心體本相如如不異清淨圓滿 内 而得 種相何等為二一者心 相者復有二種云何爲二一者真二者妄 住持暫時為有如是所說心義者有 内相二者心外相 N.

皆依 ジ 當 唯心想作無實外 用依如此等義是故我說一切諸法悉名為 覺知緣 慮憶想等事雖復相續能生一 念境界現前故知有内心及内心差别如是 心外相者謂一切諸法 種境界而內虚偽無有真實不可見故所言 建立生長一切法故所言妄者謂起念分别 又復當知心外相者如夢所見種種境界 知內妄相者為因為 無明識 夢所見妄想作故復次應知内 事一切境界悉亦 體 種種境界等隨 外妄相 者 如是以 為果爲 切種 有所

六 Ŧī.

龍

龍

種 思 次 在 境界 始 生滅故如是一切法實不生滅 無分别相故無分別相者於一切處無所不 諦 像 可得所謂一切法畢竟無體本來常空實不 不往至於境界境界亦不來至於心如鏡 種 念念不住 1)議無漏 本 功業恒常熾然未曾休息所 彼心名如來藏所謂具足無量無邊 無所不在者以能依持建立 法滅 自性清淨心彼自性清淨心湛然園 無來無去是故一切法求生滅定相 念念不 際來無障 差别之 《是生滅 清淨 所謂 住故所 相寂 功 無 心生故 相 德之業以諸 礙 見所縁 靜一味名為真如第 但 Ē 有名字實不可得以 在 種種法生心滅 不滅 一切境界亦 佛法身 一切現 謂遍 者則 切法 無一 化 從 切 故 不 滿 7 二義 故 切 種 無 復 可 以 中 'n, 木 種

皆依 法身處 减 滅色像壞時還歸虚空而虚空本界無 空界分者當知色像之中虚空之界 業亦皆共 中為虚空處所攝以虚空為體無有能 悉能容受一切色像種種形類 故隨諸衆生死此生彼恒爲作依譬如虚 别異故如是諸佛法身遍一切處 種 無二以依 切諸 界皆示作業種 切衆生種 不 種形類皆依虚空而有建立生長住 諸 動不變諸佛法身亦復如是悉能容 佛身 所攝 佛 法 一所謂無分别相不念彼 法 身 種 以法身為體無有 切 東報 而 性而有作業同 諸佛身即 種化 有建立生長 以一切衆 益故 是 以 佛身 住 生 E) 佛 能出法身界 以一切色像 法 種 然化體 圓 身 身 此平 滿 種 不 所 艮口 増 虚 中 可 果 出虚 不 有 空 毀 空 動 無

道何等為二一者唯心識觀二者真如實觀

欲依一實境界修信解者應當學習二種觀

名言說故而有差别而法身之體畢竟平等

有異相善男子是名略說一實境界義若

為佛當知如是衆生菩薩佛等但依世間假

行一切善法滿足究竟得離無明睡者轉名

猒世間求涅縣道信歸一實修六波羅蜜等

一切菩提分法名為菩薩若如是菩薩中修

是衆生中法身熏習而有力者煩惱漸薄能

集諸業受生死苦說彼法身名爲衆生若如

非長非短非好非惡乃至非有非無離一切 名修學唯心識觀若心無記不知自心念者 守記內心知唯妄念無實境界勿令休廢是 無一法一相而能自見有差别也常應如是 相 於分别當知一切境界自無分别想故即自 攀緣不自覺知於念念問悉應觀察隨心有 無等見無量諸想而一切境界未曾有想起 學唯心識觀者所謂於一切時一切處隨身 即謂有前境界不名唯心識觀又守記內心 所謂內心自生長短好惡是非得失衰利有 内心自生想念非一切境界有念有分别也 所縁念還當使心隨逐彼念令心自知知已 切境界若心住念皆當察知勿令使心無記 口意所有作業悉當觀察知唯是心乃至一 如是觀察一切法唯心想生若使離心則

境界熏習因緣故起妄相應心計我我所造

心俱癡闇因緣熏習力故現妄境界以依妄

無增無減不動不變但從無始世來與無明

毀滅若煩惱斷壞時還歸法身而法身本界

分者當知一切衆生身中諸佛法身亦不

で・四六〇

四六七

.20

龍

次應學習信奢摩他觀心及信毗婆舍那觀無暫時住從是當得色寂三昧得此三昧已心所緣念念觀知唯心生滅譬如水流燈燄善知無記知心勞慮種種諸苦若於坐時隨者則知貪想瞋想及愚癡邪見想知善知不

識 故 圎 心習信奢摩他觀心者思惟內心不 觀 非 心生隨心滅如幻如化如水中月如鏡中像 生隨心滅 非 利 習信毗婆舍 |滿不動無來無去本性不生不滅離 長信 心者 觀 不生非作非不作善男子若能習信此 N 不離 名 速得 解 為最上智慧之門所謂能令其心猛 乃至習想見佛色身亦復如是隨 心非來非不來非去非不去非 力疾入空義得發無上大菩提 趣會一乗之道當 那觀心者想見內外色隨 知 如 可見 是 分别 唯心 相 生 ___ Z

種

何等爲二

一者利根二者鈍

根其利

樂二乘以 故若學習真如實觀者思惟 過空處識處無少處 學世間 識大慈悲者守護長養是故離諸障礙 受行廳分別相不現在前從此修學為 界相得相似空三昧得相 能入一行三昧入是一行三昧已見佛無 不 發深廣行心住堅信位所謂於奢摩他毗婆 不 舍那二種觀道決定信解 所 住見聞覺知求離一 廢展轉能入 依 切善根菩提分法於生 行根 諸禪三昧之業無所樂著 依能 本故復次修學如上信解者人 心寂三昧得是三昧已 習向 非想非非 二觀 切分别之想漸 似空三昧時識 死 心最妙巧便衆 能決定向隨 心性無 中無 想處等定 所法 万至 生無 漸 所修 即 善知 畏 勤 遍 想 能 境 數 滅 復 修 修

察已身心相無常苦無我不淨如幻如化是

善根增長其意猛利當觀我法身及一切諸

切時一切處常勤誦念我之名字若得一2

菩薩等不得供養聽受正法畏菩提行難可

成就有如此疑怖及種種障礙等者應於一

2 疑怯畏墮三惡道生八難處畏不常值佛

善根業簿未能進趣諸惡煩惱不得漸伏其

應當先學唯心識觀若人雖學如是信解

而

虚誑不實故染著情辱蓋障數起心難調伏

散亂心少如是等人即應學習真如實觀其

不實如夢如幻等決定無有疑慮陰蓋轉微

者先已能知一切外諸境界唯心所作虚註

鈍根者先未能知一切外諸境界悉唯是心

佛法身與已自身體性平等無二無别不生

不滅常樂我淨功德圓滿是可歸依又復觀

惡道八難之處還聞正法習信修行亦能隨 名為當得無量功德聚者此人捨身終不墮 第一實義中學信解者名為能除諸罪障者 名為學至心禮拜供養我者亦能學至心禮 誦念一心不亂如上觀察者決定得生彼佛 見於深正義中不墮謗者名為於究竟甚深 學習聞我名者亦能學習聞十方諸佛名者 為學受持讀誦大乗深經者名為學遠離那 名為學執持書寫供養恭敬大乗深經者名 拜供養十方諸佛者名為學聞大乗深經者 之心所有諸障漸漸 淨國善根增長速獲不退當知如上一心繫 現在淨國者應當隨彼世界佛之名字專意 願往生他方淨佛國土復次若人欲生他方 可猒離若能修學如是觀者速得增長淨信 損減何以故此人名為

/ 七・四六〇

龍

得決定信 現 德 能 第一實義中不生怖畏遠 故能受持 能 乗深經故能 勝 名字而不名爲闡 不 方諸佛名字故 念 無生法忍以 信 行三、 退 起發方便 至 所謂 聚 解故決定除滅諸罪障 心 故 惟 味者 乗因 禮 所 勤 諸 侈 利 讀誦大乘深經故能 拜 佛 火 故若雜 能 智者 益 業 者 則 執 供量 Ŧ 養十 行故 持書寫供 得 種 以能至心禮拜 成廣大微 何 聞我名 謂 漸 種 法 炏 不 亂 乃至 方諸 漸 身 頹 無 能 能生決定 垢 行 分 别菩 故能 字故 切善根 雜誹 養恭 二切 妙行心名得相 心雖 佛 向 故 故 所 必能 行三 亦能 復 聞 現證 謗得 於究竟甚深 供 提 敬 養我 心寂 中 能 我 大 稱 一昧若 者 無量 乗 名 其 得 得 解 誦 亚 見 皆 者 靜 深 聞 闘 但 我 故 得 到 ₹` 謂 功 2 經 似 智 亦 大 +

信

得 清 作佛 忍順 善男子當知如上勤心修 寂 證 作 欮 佛者略說有四 來 能獲深大利益漸次作佛深 17. 世 隨其所 者能 满 於生 謂 忍 間 行故成就無生 淨 入堅信法位成就信忍故入堅修位成就 善報 所謂依 法故 依解 故 法智及不思議自然之業無求 平 入正真 戼 等 作 作 如 涅 修 無 不 行 來種 佛 槃 得 一切諸善皆不能 地 可 種 位 廣 所 不 深 種 願 性地決定信諸法 成就 謂 性故成就 忍者得如來業故 起 何等 解 求 大 深 伙 二想心無 法 故 無生忍 妙 净 性 = 為四 學無 心地 者 利 九 大 益 解 順 如 一者 以得 利益 所 來 忍 故 得 滿 相 如 禪者 信滿 深 是 怖 者能 又成 業 不 法 者 大 想 無 生 漸 雜 故 無 故 三者 所 利 EL EL 分 造 法 次 홨 解 不 作 謂 無 滅 故 作如信 佛 垢

是

相

錯

不

謬何

等為十一者攝

念方便相

者欲

住

境界相三者初住境界分明了了

信

知生死

即

涅槃故亦

不

怖

怯退求二

乗如

第相門具足攝取禪定之業能令學者成就

修學一切諸禪三昧法者當知有十種次

홨 **尅獲勝進意所專者少分相應覺知利益** 摩訶薩言善男子當知初學發意求向大乗 八者轉修增明所習堅固得勝功 是 起方便次第成就出入隨心超越自在相 應不錯不認相十者若更異修依前所得而 調 所作思惟方便勇猛轉求進趣 我當以巧便宣顯實義而安慰之令雜怯弱 未得信心者於無上道甚深之法喜生疑 何巧說深法能令衆生得離怯弱 信菩薩摩訶薩問地藏菩薩摩訶薩言汝云 名十種次第相 相九者隨心有所念作外現功業如意 順稱心喜樂除疑惑信解自安慰相 出 故號我為善安慰說者云何安慰所謂鈍 知入相四者善住境界得堅固 門攝修禪定之業爾時堅淨 相六者漸 德對治 地藏菩薩 相 五

解

力故依

禪發起偏猒雜

行怖怯生死退墮

相

相

生憍慢為禪所縛退求世間二者無方便信

解

一切法唯心想生如夢如幻等雖獲世間

界習近奢摩他毗婆舍那二種觀道

/故能信

二乗三者有方便信解力所謂依止一實境

諸

禪功

德而

不堅著不復退求三有之果又

若修學世間

有相

禪者有三種

何等為三

者無方便信解

力故貪受諸禪三昧

功德而

蕯

地能除一

切諸障無

明夢盡故復次當知

者

切功德行

満

足故

作

佛

所

謂依究竟善

者

七・四六

t

龍

發心願向 空畢竟無我無作無受無自無他無行 我即為說真實之義所謂一切諸法本性 中人受勤苦方乃得獲以是之故心生怯弱 廣極難行苦行自度度他 陽 水中月如鏡中像如乾闥婆城如空谷響如 無有方所亦無過去現在未來乃至爲說 根 而 八空等無有生死涅槃一切諸法定實之相 損 性 畢竟無體求不 煩惱生死性甚微弱易可令滅又煩惱生死 光如泡 45 可得者又復為說一切諸法 自身心執著想故得離 心衆生聞 即是 而復思念求無上道者要須 如露如燈如目贖如夢如電如雲 (涅槃如 可得本來不生實更無滅 無上道最勝最妙意雖 此 所說能破 助數長 **法弱复** 如幻 遠於生死 有衆生 如化 切諸見 無 積 自 如 自 + 到

是無分別雜念之法唯有能減虚妄識想不 量報苦如來於此起大慈悲意欲令一 法畢竟體空無所有乃至一切 為欲令彼離於分别執著想故說一切世間 著諸法以顛 無 涼不變等無量功德聚復能了了見一切衆 得離生老病死衆惡之法證彼法身常恒清 顯 畢竟體空無所有若廣說 起念者乃所應得但一切衆生常樂分别取 生離於聚苦同 生身中皆有如是真實微妙清淨功德而爲 說旨意者所謂如來見彼一實境界故究竟 解如來言說旨意故而生怯弱當知如來 明闇染之所覆障長夜恒受生老病 示一切諸法皆不雜菩提體菩提體者非 倒妄想故而受生死是故如來 養法身第一義樂而 者如 出 + 世間 彼法 切 死 法 無

除

怯

弱是名安慰又復愚癡堅執衆生

聞

女口

亦皆具足不變不異無增無減

如

是

等說

能

然圓滿非修非作

乃至

切衆生身

中

空有真實體具足無量清淨功業從無始

世

誹

誇自輕

輕

他我

弘即為說

此如來法

身自

性

不

畏墮無所得中或生斷減想作增減

見轉

起

身但唯空

法

向畢竟而

無所

有其心怯

弱

等說鈍根衆生不能

解

者謂無上道

/如來

法

七・四六

是等說 應不謬復次即彼空義中以雜 竞空無所 而能自見自 不空乃至遠離一 彼法身性實無分別離 假名法中相待相 長 深之義真實相應無有諸過以雜 有言說境界離心想念非空非 云 如比等說令離怯弱是名安慰而我所說甚 自然墮邪倒 非 何知離 切 滿足生如來色身得無量功德清淨果報 脩 相不可依言說示 非 亦 作 有以離心分别想念 生 相 相 知為有是故空義 一法教 達相所謂如來法身中雖 見我即為說 故起無所得相 切諸 對則 以取如來法身本來満 相故說彼法體爲 自 可方便顯示而 而據世諦 相 修行 雜 而生怯 不空ろう 則盡無一 決定 他 分别妄想 一切善法增 幻化 相違 相 真實 一弱或計 無 因縁 空 說 復 至 相 無 無 故 相 畢. 無

提法

中無有能

取

可取無

自無

他

離

分别

相

者及無能言說者故又不可依心念

知以

菩

誸

謂不可依言說取以菩提法中無有受言

相

而

可得者

以離一切相

故雜

切

相者

所

非

非

非

非

異

非

異

俱

乃至畢竟無

有

非

無

非

有

非

非

無

非

有

無

俱

非

非

果

故若

有分别

想者則為虚

傷

不名相

應如是

七三

能

業非 德利益是故說修 應不離 等殊勝方便深要法門 過當如是 男子如我所說甚深之義決定真實離 聚 從無始世來具無量功德自然之業成就 名未有以不知見彼法體 虚偽之相畢竟常恒不變不異以更無 可壞可滅雜 真實故即 而不知見不能尅獲功德利益與無莫異 切善法 彼衆生 切衆生雖復有之但為無明贖覆障故 則 盡 不 畢竟無 矢口 對 脫故說為不空如是實體 為不空所謂 治諸 爾 |所能受用不名屬彼唯依過修 增減故又 特地 一切善法生如來色身善 有 障見彼法身然後 藏 彼無分别實體之處 相 離 菩薩摩訶薩 時有十萬億衆生發 所有功德 而 識 想故 可空者 無有 說 乃獲 利益 功德 バス 唯 相 如 此 違 之 相 相 切 功 2 有

> 是大衆皆同發言我當受持流 令忘爾時堅淨信菩薩摩訶薩白佛言世尊 能得離一切所有諸障礙事疾 薩摩訶薩名號及信其所說者當知是人速 門甚為難值能大利益若人得聞彼 法 萬八千菩薩得無生法忍一切大衆各以 阿 爾時佛告諸大衆言汝等各各應當受持此 妙香華供養於佛及供 ,耨多羅三藐三菩提 門隨所住處廣令流布所以者何如此法 養地藏菩薩摩訶薩 心住堅信位復 中名 至無 布世間不敢 何 法 地藏 上道於 佛 門 有 告堅 此 菩 法 カ

向大乘者進趣方便顯出甚深究竟實義亦業報亦名消除諸障增長淨信亦名聞示求淨信菩薩摩訶薩言此法門名為占察善惡真要我當受持令末世中普皆得聞佛告堅如是所說六根聚修多羅中名何法門此法